

ORDINIS MEDICI DECANVS
J. ANDREAS MURRAY D.

EQVES ORD. R. DE WASA CONSILIARIVS AVL. R.

ET PROFESSOR MED. P. O.

SVCCI ALOËS AMARI
INITIA

PERSEQVTVS

SOLLEMNIA INAUGVRALIA

DIGNISSIMORVM ALIQVOT MEDICINAE

CANDIDATORVM

SIGNIFICAT

GOTTINGAE

Typis IO. CHRISTIANI DIETERICH

1785.

2870/p

MASSACHUSETTS

WELLINGTON



WELLINGTON

MASSACHUSETTS

WELLINGTON

MASSACHUSETTS

WELLINGTON

MASSACHUSETTS

WELLINGTON

SVCCI ALOËS AMARI INITIA.

§. 1.

Aloës genus praeter speciosum habitum nobilitat succus iste insigniter amarus gummi resinosae naturae, qui ex foliis quarundam sub eo militantium stirpium fauciatis exundans, et caloris ope densatus, in varium medicum scopum, sub varia forma et praeparatione, adhibetur. Optio inter plures plantas in colligendo isto data est, prout alia exempla in censu medicaminum exstant succorum, natura similium, sed quoad originem disparium; quorum Sanguis Draconis, gummi Euphorbii, succus Catechu, Camphora, gummi Arabicum, pertinent; nec errare mihi videor, si illuc et Cautschuc siue resinam elasticam referam. Hisce diuersis eorum natalibus merito diuersos integritatis et efficaciae gradus adscribas, ita vt vel inde appareat, quanti intersit medici, speciem, cui optimum pharmacum debeatur, rite nosse, et historiam medicamenti, vtut chemica analysi et virtutum medicarum recensu ornatam, ignorata specie capite quasi destitui. Dolendum, hoc vitio historiam Aloës adhuc laborare, quod infra vberius exponam, postquam occasione speciei singularis, quae huius census est et quam prolixius describere hic animus, de genere ipso quaedam momenta praemiserim.

§. 2. Haud parum difficultatis hocce olim botanicis peperit, nec ferius studium omnem, quae scrutinio sese offert, tollit. Etenim licet iamiam in eo consensus sit, quod genus corolla monopetala, tubulosa, infera, et insertionem filamentorum in ipso eius fundo pone germen absque adhaesione ad latera, potissimum ab affinibus generibus discrepet:

discrepet: olim tamen non dubitarunt Agaues Aletresque ad illud referre, imo aliquot stirpes cognatione longe remotiores ex Yuccae et Crassulae genere. In insigni autem numero plantarum istarum, quae iure Aloës voce insigniuntur, aegrè subinde cognoscitur, quae Species dicenda, quae Varietas.

Non multa bonae frugis ad cognitionem illarum attulit MÜNTINGIUS suo *Aloidario* (annexo *Diff. hist. med. de vera Herba Britannica, Amstelod. 1698. 4.*), in quo paucae modo eaeque et oscitanter descriptae et minus accurate depictae, omissis quarundam floribus, sistuntur. Icones alius EIVSDEM libri (*Beschryving der Aardgewassen 1696. fol.*) pictoriae et sculptoriae artis plus produnt, non vero fidei. Longe plura praestitit CASPARUS COMMELINUS (in *Praeludiis botanicis; Horti med. Amstelod. plantis ravior. et exoticis; et Horto med. Amstel. Fol.*), quippe cuius opera, verbis et figuris expressa, in cognitionem bene multarum specierum peruenimus, licet nec illi contigerit, singularum flores oculis usurpare. Reliqui botanici, excepto vno ad temporis seriem infra nominando, pauciores modo Aloës prolixius persequuti sunt, vel vnius modo vel alterius dedita opera rationem habuerunt; quorum eminet DILLENIVS (in *Horto Elthamensi*). TREWII (*Commerc. litt. noric. 1744. p. 321. 345. 375. cum iconibus tab. 2. 3.*) de numerosis huius generis plantis meritum in examinandis floribus sigillatim subsistit, ut verior character generis, quam qui antea inualuerat, formaretur. Id quod et HALLERUS (*Enumer. plant. horti et agri Gotting. p. 70. sq.*) sibi exsequendum proposuerat. Omitto indices hortorum botanicorum, quorum nonnulli quidem numerosiorem recensum harum stirpium continent, sed absque descriptionibus propriis concinnis in sola allegatione nominum aliorum acquiescentes, quorsum TILLI *Hortus Pisanus* (pag. 6.) BOERHAAVII *Index alter plantarum horti L. B.* (Tom. 2. p. 128. sqq.). Largior hisce longe est enumeratio a COMMELINO *Praeludiis* (p. 39. sqq.) suis praefixa, contra quam vituperium singulare LINNEI (*Hort. Cliffort. p. 131.*) directum est, auctorem ex Aloe perfoliata tot fere species formasse, quot individua.

Plurimum

Plurimum adiumenti in hisce cognoscendis debemus LINNEO, Equiti, qui propriam indaginem cum aliorum tentaminibus iunxit. Initium huius negotii iam in *Horto Cliffortiano* fecerat; a quo ipse in multis postea in *Speciebus plantarum* deflexit; vltimam autem limam in *Systemate vegetabilium* (Ed. 13. p. 278.) admouit. Auxit species ab eo lustratas FORSKÅHLIUS (*Flora aegyptiaco-arab.* p. 73.) aliquot aliis, de quarum certitudine ob breuitatem descriptionum non satis iudicare licet; ferius THVNBERGIUS (in LINN. fil. *Suppl. plant.* p. 250. sq. Conf. *Syst. veget.* Ed. 14. p. 237.) iterum tribus, quibus quartam f. Aloën maculatam nuperrime (*Diff. de Aloë*, Upsal. 1785.) tanquam vere nouam addidit. Vtut vero LINNEI summi viri collocata in hoc genere determinando opera eniteat, confiteri tamen oportet, eum in reducendis quibusdam plantis instar varietatum ad species iusto fuisse rigosiores, id quod nominatim valet de variis sub Aloë perfoliata et Al. disticha significatis stirpibus, in quibus, comparatis inter sese floribus vel foliis, insignis discrepantia apparet, eaque constans, nec cultura nec aetate mutabilis. Quod ad Aloën perfoliatam attinet, non in omnibus illi subiectis plantis flores corymbosi sunt, sed in aliis racemosi, in aliis spicati, variante scilicet in diuersis stirpibus sub hac specie a LINNEO comprehensis pedicellorum longitudine. Nec commode me iudice in speciem vnam compingi possunt stirpes scapis vel caulibus simplicibus aliaeque compositis, caulescentes et acaules, vt ne in subtiliora corollarum quoad profunditatem laciniarum, in quam limbus diuiditur, figuram istarum, etc. descendam, vel manifestiora discrimina in foliis quoad proportionem latitudinis ad longitudinem, superficiem, marginem, compagem, directionem, basin etc. obuia, commemorem.

Quum itaque in hoc genere florum figurae et nominatim rationis inter pedicellorum et florum longitudinem f. inflorescentiae, quam vocant, tanta sit dignitas (quod praecipue in *Systemate* b. LINNEVS agnouisse videtur): molestum valdopere est, quod flores in quibusdam harum plantarum, quarum Africa tantum non omnes patriam agnoscunt, vt fieri plerumque solet in exoticis succosis, quae in hypocaustis hortorum hospitantur, rarius erumpant, et dum

emergant, id saepe contingat tempore, quo non prostant aliae ad comparationem requisitae. Accedit aliud incommodum, quod sub siccatione formam situmque valdopere mutant, nec ea integritate in collectionibus siccis plantarum seruari possint, ac aliae siccioris compagis stirpes. Laudabili igitur consilio cel. THVNBURG, quum in Africa in promontorio bonae spei versaretur, hoc quoque difficile genus floribus condecoratum solo natali scrutatus, non nouis modo speciebus eruendis operam dedit, sed et vetustiores iteratae curae subiecit, characteres limauit, pluresque stirpes olim instar varietatum coniunctas disiunxit specierumque iure instruxit. Et huius indaginis fructum nuperrime tulimus *Dissertatione de Aloë*, resp. ANDREA HESSELIO, *Upsal. m. Iunio 1781. pagg. 14. edita*. In qua quidem re arduum est omnibus et singulis botanicis pro diuerso iudicio de partibus ad characteres específicos adornandos maxime idoneis, satisfacere. Probo tamen nominatim, a specie Aloës perfoliatae, vt in hoc maneam, aliquas Varietates Linneanas ϑ . λ . μ . ν . seiunctas esse nomine Aloëspictae, quum in hisce flores meo iudicio corymbum forment, in reliquis racemos, folia latiora, maculis fasciata et amaritiae longe inferiora sint, quae masticatione potius corticis eorum, quam succum sponte profluentem gustando, cognoscitur. Aloën succotrinam angustifoliam spinosam, flore purpureo COMMEL. autem f. Aloën perfoliatam LINN., quam THVNBURGIVS Aloën sinuatam tanquam peculiarem speciem dixit, equidem non separassem a reliquis Al. perfoliatae varietatibus.

§. 3. Succo aloëtici tres species, vt notissimum, officinae pharmaceuticae seruant, Aloën scilicet succotrinam, hepaticam et caballinam, quae quidem colore, odore, sapore, duritie, puritatis gradu, differunt. Sunt qui discrimina haec a praeparationis diuerso artificio repetunt (JO. BAVHINVS in *Histor. plant. univ. T. 3. p. 697*. SPIELMANNVS in *Mat. med. p. 626.*); alii, vt COMMELINVS (*Praelud. p. 46.*) et post eum LINNEVS (*Mat. med.*) cum multis aliis singulos succos tribus diuersis stirpibus tribuunt, ita tamen vt iste non dubitet, ex aliis speciebus huius generis amaro succo scatentibus Aloën colligi posse, hic vni, Al. perfoliatae varietati, quam Aloën

verani

veram vocat (*Spec. pl. p. 458. Var. π*) et cui nomen Aloës vulgaris C. B. adiungit, praerogatiuam tribuat.

Igitur primum de plantis, quae succum istum largiantur, dein de modo eundem eruendi et seruandi, tum de variis, quae ad naturam eius et patriam pertineant, dispiciamus; unde patebit, quousque in eius cognitione haecenus peruentum fuerit, et quid adhuc in desideriis votisque circa historiam eius remaneat.

Fateor cum aliis haud paucis, me Aloën istam perfoliatam veram LINN. s. Aloën vulgarem C. B. non satis nosse, nec summum virum post editum *Hortum Cliffortianum* diagnosin eiusdem vlllo modo leuasse. Nec sitim restinxit peregregius THVNBERG, qui in *Dissertatione cit.* huius varietatis nullibi mentionem facit. Quas MVNTINGIVS et BESLERVS (*Hort. Eystett.*) de ea praestiterunt figuras et quam illustrationis causa LINNEVS allegat ex *Horto Malabarico* (*T. II. p. 7. tab. 7.*) sub nomine Kadanaku s. Catevala, hae adeo inter se differunt, vt non possint ad eandem plantam referri. Tanto minus vero huius loci videtur esse stirps ista malabarica, quum ibidem praecise significetur foliis eiusdem saporem aqueum subdulcem competere. Quae sub nomine L'Aloës succotrin in REGNAULTI *Botanique* comparet icon, cui nomen dictum Bauhinianum adscriptum est, satis quidem cum Linneana descriptione congruit. Auctor vero *Horti Romani* (*Vol. 6. tab. 75.*) adeo characteris Aloës immemor fuit, vt nomen istud, item nomen Al. perfoliatae Gall. L'Aloës succotrin, adscripserit Agauī Americanae. FORSKÅLIVS (*l. c.*) Aloën quandam, quam officinalem vocat, et ab Aloë vera LINN. distinguit, matrem succi Aloës succotrinae officinarum existimat, quod folia diffracta foetorem similem spargerent, forma praeterea differrent. Sed THVNBERGIVS non coniectura tantum, sed autopfia in promontorio bonae spei ductus optimum succum Aloës (LINN. *Suppl. l. c.*), siue, vt alibi eundem nuncupat hepaticum (*Diff. cit. p. 10.*), ex specie quadam, Aloë spicata a se dicta, erui auctor est. Paucis modo verbis eandem in *Supplemento* (*l. c.*) descripsit, amplius in *Dissertatione cit.* nec vllibi synonyma addidit, unde ab eo primum fuisse exploratam, tanto confidentius colligo. Maximam tamen Aloës copiam,

copiam, quae ex promontorio isto Africae transferatur, parari ex Aloë perfoliata innuit: varietatem quidem non denominat, sed in omnibus hortis botanicis obuiam pronunciat (*Physiogr. Sällskapet's Handl. P. I. pag. 112.*). Cui effato cel. SPARRMAN (*Resa till Goda Hopps-Udden p. 742.*) eatenus aduersus est, quod ad *Supplementum* respiciat, vnde, illi de Aloë spicata THVNB. sermonem esse, probabile.

§. 4. An rectius subsequenti speciei nomen Bauhinianum tribuatur, iam agite anquiramus.

ALOE ELONGATA *Mihi.*

Floruit vere anni 1784. et iterum nouissime elabentis anni in caldario horti botanici Aloës species, quae quidem iam dudum in eo hospitium habuit, sed intra hosce septendecim annos, quibus illi praefectus fui, pluresque florentes rariores species vidi, antea non flores tulit. Inter Linneanas non designatam inueni, certe, si acquiescendum in descriptione LINNEI breui et citata ab eo ex *Horto Malabarico* icone, non pro Aloës perfoliatae varietate s. Aloë vera π , cui adiecit, vt dixi, nomen Aloës vulgaris c. B. agnoscere potest. Describit nimirum LINNEVS hanc per *Aloën foliis confertis dentatis vaginantibus planis maculatis*: sed in mea stirpe folia non maculata sunt, si tenellorum furculorum folia eximas, nec vaginantia sed amplexicaulia. Legens breuem Aloës spicatae THVNB. (in LINN. *Supplem.*) descriptionem, eandem cum mea stirpe esse fere credidissem, nisi flores campanulatos vocasset, tantoque magis, quum mea pariter succo valde amaro turgeat. Sed ne quid temere agerem, imaginem florum vna cum animaduersionibus quibusdam super hac stirpe per litteras cel. viro misi, ad quas regressit, vtramque vere differe floresque suae non campanulatos modo esse, sed istis meae longe breuiores. Vix vero, arbitror, neglexisset, mihi simul declarare, meam eandem cum ista in Africa vsitatissima esse, si verè fuisset. Quum vero alios auctores consularem, in quos probabili coniectura deuehi possem, ad duos praecipue substiti, quorum et observationes et figurae probe in meam Aloën quadrant. Alter est ELISABETHA BLACKWELL (*Herb. tab. 229. Ed. TREW*), cuius icon quidem

quidem pedunculum simplicem repraesentat, quum in vno meorum exemplo diuaticatus esset, et spicam breuiorem, sed bene corollas ringentes depingit. Alter cl. REGNAULT, sub nomine Gall. Aloës commun, cuius quidem figura pariter spicam solitariam exhibet, nec corollam satis curate quoad lacinias expressam, stigma insuper bifidum, quod non in mea est. Sed in plerisque conueniunt hae imagines cum stirpe, de qua loquor: quo autem iure vterque adscripserit nomen Aloës vulgaris c. B. non dixerim: certe icones aliorum in Blackwelliano opere citatae, praeter Trewianam ex *Commercio Norico*, non ad illam, quae ibidem depingitur, applicari possunt; et REGNAULT tanto audacius nomen BAVHINI illi addidit, quum idem illud iam tribuerit alii speciei Aloës, quam Aloës succotrin vocat. Adiuncta ab isto descriptio parui momenti est; maioris ponderis est illa ab editoribus Blackwelliani operis expedita, quamuis characterem non expleat. Anne autem ab hacce stirpe vere in vsum officinarum succus natali loco, vel quocunque per culturam transmigravit, colligatur, sub defectu descriptionum, qui hactenus inualuit, nonnisi a peregrinatoribus fidis extra omne dubium poni potest. Ita esse varia suadent, scilicet praeter copiam succi amari, quo turgent folia, et experimenta mea cum eodem infra (§. 11.) suppeditanda, statura insignior, quae tamen sub dio in climate calidiori non potest non praeualere; cl. BROWNE (*Nat. History of Jamaica p. 197.*) praeterea Aloë in Jamaica vsitatae spicam (non racemum vel corymbum) adscribit; et cl. HUGHES (*Nat. History of Barbados p. 154.*) floribus Barbadenſis plantae, ob succum amarum inclytæ, colorem flauum tribuit notatque aliquando caulem floriferum bifurcari. Quicquid sit, magis exactam, quam quae hucusque prodiit, delineationem meretur, ex qua simul constabit, non posse tanquam varietatem *Al. perfoliatae* considerari, sed in dignitatem peculiaris speciei euehi debere. Sequentibus igitur notis insigniatur:

ALOë floribus spicatis tubuloso-triquetris subringentibus oblique dependentibus, foliis aggregatis dentato-spinosis. MIHI.

ALOë n. IX. TREW in *Comm. nor. 1744. p. 324. tab. 3. fig. 18-21.*, vbi modo spica et flores singulares repraesentantur.

B

ALOë

ALOË vulgaris; BLACKWELL *Herb. Ed. TREW Cent. 3. tab. 229.*

ALOËS commun; REGNAULT *Botanique cum fig.*

Figuram propriam, quam adornare elegantem curavi, in aliud opus seruo. Epitheton illi dedi ob spicam longam cylindrico-pyramidalem. Haec forma illi, dum vegeta est, competit, sensim vero breuior apice latiori evadit, pereuntibus et cadentibus inferioribus floribus, unde diuersitas figurarum. Floruit a medio m. Martio ad finem Aprilis.

Radix fibrosa subacidi saporis, non amari, fibris mox calamum crassis, mox exilioribus. Crassiores spargunt copiam fibrillarum sub angulo plerumque recto.

Truncus fere spithamaeus, sesquipollicem crassus, teres, obliquus, annulatus ex reliquiis foliorum tam circulis prominulis quam cingulis albidis, apice foliiferus.

Folia aggregata, quaquaversum dispersa, contigua, amplexicaulia, sed non vaginantia, bipedalia, oblonga, ex basi lata sensim attenuata, carnosae pulpa molliori, basi crassissima et plana dein concaua tum canaliculata, apice oblique flexo compresso denticulato-spinoso, margine sinuato-dentata, dentibus terminatis in spinam compressam apice brunam rectam, glauca sed non maculata; superiora patentissima et recta, media horizontalia, infima dependentia, altero dimidio apicem respiciente reflexa.

Surculi foliiferi ex radice plures maculis albidis paucis oblongis.

Pedunculus ex centro foliorum congestorum oblique emergens, strictus, subangulatus, purpureo-viridescens, sesquipedalis, basi subcompressus, ibidemque altero margine crista subcartilaginea notatus, infra nudus, supra bracteatus, vel simplex vel diuaricatus apice in duos ramos spiciferos, et vbi floribus contegitur, fulcatus.

Bractee latae, acuminatae, amplexicaules, albido-flavae, lineatae, persistentes, marcidae, adpressae in summa pedunculi parte, item sub singulis pedicellis, vbi concaui reflexique.

Spica

Spica pedalis, cylindrico - pyramidalis, terminata congerie bractearum marcidarum, constans ex floribus numerosissimis approximatis, dum dependent, contiguis.

Flores ante explicationem horizontales, dein oblique dependentes.

Pedicellus uniflorus, teres, lineam circiter longus, basi latior, per articulum flore iunctus, patens.

Calyx nullus.

Corolla monopetala, pollice longior, extus pallide lutea lineis viridibus, interne albida, tubuloso-triquetra angulis binis superioribus, vno inferiori prominulo et acutiori, ex basi breuissima angusta ventricoso-teres, ad duas tertias diuisa in sex lacinias lanceolatas erectas alternis latioribus et paullo longioribus apice nonnihil reflexo, in formam corollae ringentis dispositis, ita vt tres sursum, duae ad latera, vna deorsum, collocentur. Singulae harum lineis tribus viridibus medio pictae, originem ex basi corollae seorsim trahentibus et pone apicem laciniarum conuergentibus. Corolla dissecta intus polypetala apparet ex laciniis latioribus, margine vsque ad basin solutis. Scatet copia nectaris in guttas magnas depluentis et folia inquinantis.

Genitalia extra corollam longe prominentia, basi inflexa.

Stamina sex, quorum tria maiora cum tribus minoribus sed inaequalibus situ alternant. *Filamenta* basi corollae inserta, subulata, deorsum albido-lutea, compressa. *Antherae* oblongae, incumbentes, coloris aurantii.

Pistillum vnum, staminibus fere aequale. *Germen* obouatum, obsolete triquetrum, sexsulcum, superum. *Stylus* cylindricus, versus apicem flavidior. *Stigma* non distinctum, sed stylus in extremo coarctatus in apicem obtusum.

Fructus non maturuit. Sed iam ex germine constitit, esse capsulam trilocularem multis feminibus refertam.

Animaduersiones.

Plura huius stirpis exempla possidet hortus Reg. botanicus, nam ex radicibus furculorum crebra pullities, qui terrae infixi facile

adolefcunt. Sed vnicum modo exemplar idque procerius et robuftius poft tot annorum moram floruit idque duobus feſe ſubſequentibus annis, quod tanto gratius fuit, quum primo anno pedunculus eſſet bifidus et duas conſequenter ſpicas ferret, altero ſimplex et monochaſys; quod niſi contigiffet, fallax facile character euafiſſet. Scilicet pedunculus primo antheſeos anno diuaticabatur apice in duos ramos, quorum vnus longior et craſſior truncum ſub angulo valde obtuſo quaſi continuatum ſiſtebat, alter exilior et lateralis. Qui hunc excipiebat anno poſt pedunculus monochaſys angulum obtuſiſſimum verſus ſpicae baſin formabat. Si igitur in prius dicto pedunculo mente demas ſpicae alteram minorem et lateralem cum pedunculo, omnia ſimilia ſalua plantae integritate habebis. Videtur tamen ſimplicior ſtructure vulgatioꝛ eſſe, nam ea ſimplicitate BLACKWELLIA et REGNAULTVS hanc Aloën depingunt, et cl. HUGHES de ſua, vt ſupra dictum, aliquando modo pedunculum bifurcari narrat.

Proxime venit Aloï perfoliatae LINN. β . Sed folia in hac minora proportione, anguſtiora, magis reflexa, vaginantia in formam infundibuli, baſi diſtancia et truncus pluribus pedibus altior, nec perpendicularis ſed contortus vel volubilis. Vtriuſque folia valde amara cum halitu graui. Praeferri me iudice pro collectione ſucci Aloë elongata meretur, quum ampliora folia gerat, hinc plus ſucci eroget.

§. 4. Sapor tamen foliorum ſtirpium huius generis non in vniuerſum amarus eſt. Qui comparare guſtu plures huius generis plantas vna ſerie cupit, ad ſubito delendam moleſtam amaritiem commodiſſime ſcopo potietur, colluendo os primum tantillo aceto vini, dein aqua. Ita mox perit amarities, nec acor remanens ſub nouo experimento fallit. Hocce praefidio vſus explorauit Aloës diuerſas in horto botanico obuias. Et probo, ſedulo a COMMELINO et ſaporis plantarum huius generis a ſe deſcriptarum rationem eſſe habitam. Id tamen notandum, in quibusdam compactioris ſtructure, licet ſuccus exundans vix amari ſenſum linguae imprimat, maſticatione tamen corticis foliorum amaritiem percipi, vt in Aloës diſtichae varietatibus diuerſis, quae tamen ſtirpes nullo modo ſucci collectioni aptae ſunt habendae.

Ita succum insipidum vel subfalsum vehunt Aloë spiralis L. Aloë retusa L. Aloë pumila α , margaritifera β , f. africana margaritifera COMMEL. δ , arachnoidea; dulcem Aloë viscosa L.; subdulcem Aloë variegata L.; initio nonnihil amaricantem, sed mox dulcem Aloë humilis L. f. var. σ , perfoliatae EIVSD. Amaritie autem praeprimis instruuntur Aloës istae variae, quae Al. perfoliatae nomine veniunt, sub ea tamen restrictione, qua THVNB. utitur, seiunctis nimirum variis Linneanis varietatibus in aliam speciem, quam Aloën pictam vocavit, quae amaricantes modo sunt et exiguum modo succi per vasa corticis foliorum transmittunt. Aloës distichae L. varietates complectuntur partim plantas amaras, quorum var. β . f. Aloë folio maculis albicantibus ab utraque parte COMMEL. cuius succus valde amarus et foetidus est, et var. ϵ . f. Aloë plicatilis L.; partim insipidas, quorum var. γ . f. Aloë folio triangulari et verrucis albicantibus COMM. item var. δ . foliis planis verrucosis MART. Ceteris vix cedunt amaritie Aloë sinuata THVNB. f. Al. perfoliatae L. var. ξ , quae est Al. succotrina angustifolia COMM.; Aloë spicata THVNB.; et Aloë elongata MIHL.

§. 5. Male autem vulgo intelligitur amarities foliorum, dum eandem in tota eorum compage quaerunt, quum contra ea modo in parte corticali viridi, siue tenaci ista membrana crassa externa, quae in foliis Aloës elongatae quartam circiter lineae partem efficit, contineatur. Haec superficie interiori amplis vasis instruitur, quae in recenti segmento transuersim facto punctulis quidem distinguitur, manifestius vero, quum in eiusmodi segmento succus spissescit, sicque simul profundioris colorem adipiscitur; vel in iis stirpibus, quibus succus profundioris coloris est. Parallelae haec per longitudinem folii decurrunt, ut per pellucidam pulpam mediam sub situ obliquo dissecti folii facile cognoscitur. Ex hisce vasis resectis funditur limpidus tenuisque latex. At, quum sibi met tam proxime sita sint, plures guttulae mox confluent unaque destillant. Vasa haec remotiora deprehendi in speciebus, quae blandioris sunt succi vel amaritie omni destitutae. Reliqua pars media folii pulpam constituit albam pellucidam aquosam vel

viscosam insipidam, cuius liquor aliquando in longa fila trahi potest. Similiter sese rem habere in pedunculo deprehendi, quippe in cuius corticali velamine et in hoc vnice vasa similis naturae et succi obseruauit; vnde verum reperi, quod PLINIVS (*Hist. nat. Lib. 27. c. 4. p. 1194.* Ed. DALECH.) indicat, quosdam suo tempore et caulem ante maturitatem feminis incidisse succi gratia.

In horum vasorum natura ratio vulgaris succum colligendi modi, qui apud barbaros obtinet, continetur, dum scilicet non vi insigni illum excutere tentant, sed sponte exundare sinunt; simulque patet, alia consilia, quae in frustula foliorum dissecta prelo submitti suadent, esse vana, et proportionem, quam inter gummosas et resinosas partes succi probi esse conuenit, turbari.

§. 6. In collectione succi aloëtici consueta ad duo momenta respicias, alterum, quo succus prolicitur, alterum, quo in siccam molem densatur.

Quod ad prius attinet, in plerisque artificium apud diuersas istas gentes, quarum clima calidius solumque vel spontaneum prouentum vel culturam sub dio concedit, vsitatum conuenit. Scilicet, vt tanto plus Aloës lucrentur, eliguntur stirpes procerae, quarum folia valde succosa; et in Africa quidem per totum annum huic negotio indulgent, persuasi tamen tempore anni pluuioso vel paullo post vberiore succum proflare et tempestatem serenam et tranquillam praeferendam procellosae. Folia tum succosiora, ad basin vbi crassissima sunt, praecisa vel in dolia situ erecto collocantur, vt quidem in insulis Barbados (HUGHES *l. c.*) et Jamaica (BROWNE *l. c.*) fit, vel supra grandius folium substratum, quod receptaculi vel canalis vices gerit, situ decliui vtrinque ad numerum decem duodecim et plurimum, vnum supra alterum ponuntur, qui mos in promontorio bonae spei (SPARRMAN *ll. cc.*) inualuit. Vt qui adhuc intra folia latet succus abundantius profluat, antequam auferantur, per manus folia transmittunt.

Succo sic prolicito, ad eundem densandum accedunt, sed diuersa encheiresi. Optima sine dubio haec est, quod intra vasa lignea plana nec alta caloris solaris adiumento ad iustam crassitiem exhalet,

exhalet, vnde et in Jamaica haec Aloës species summo in pretio habetur. Quum vero lente sic res procedat, ibidem pro vulgari Aloë folia singula praecisa in frusta difsecantur et sic in vasa, qualia descripsi, proiciuntur, vt succus sponte exundet, quibus factis manibus ille vltius exprimitur, tumque iste aquae tantillo mixtus coquitur. In promontorio bonae spei succum ex integris foliis elicatum absque additamento aquae coctione densant. Inspissatio continuatur, donec guttula laminae instillata solidescat vel non amplius destillet a bacillo, dum attollitur, sed frige factus frangatur, Sub coctione saltim Capenses in superficie haerentes fordes despuant, sed colationem non praemittunt. Dum eousque res peruenit, infunditur succus immediate, siue post refrigerationem in alio vase, vel in cucurbitas amplas vel loculos ligneos, quo vltius densetur, ibidemque pro vsu feruetur. Hac ratione ex tribus partibus succi fluidi vna solidi remanet. Quem ipsum Jamaicenses in massis pintam vniam ad viginti grauibus, Capenses autem ponderosioribus plerumque trecentarum quadringentarum vel quingentarum librarum, transmittunt. Aliam quidem adhuc encheiresin proponit JO. BAVHINVS (*Hist. plant. T. 3. p. 697.*), quod scilicet folia in frustula dissecta et contusa per 25 dies in vase retineantur, sub qua mora spumam attolli innuit inutilem et abiiciendam, reliquam vero succi partem rite pro diuerso puritatis gradu segregatam feruari. Non vberiore autem prouentum succi fieri ex concisis foliis hisce noscunt rustici Africani, qui tamen in eo mihi lucro suo obstare videntur, quod plagas foliorum sectas aurae calidae vi exponant, vnde iusto praecocius exsiccat succus orificia vasorum praecisorum claudit, quum contra ea secundum morem in insulis americanis receptum continuo ad iacturam succi perfectam vsque succus primum exstillans alium nouum riuum post se trahat.

Varii itaque haecenus propositi modi praeparationis succi huius sunt, pro quorum discrimine, etiam si planta sit vna eademque, iste non potest non notis §. 3. significatis, imo virtute, variare. Alia igitur est natura Aloës sponte exundantis, alia coacte ex foliis dissectis et conquassatis erutae, alia, si succus sole

sole densatur, alia rursus, si id fit coctione, quae quo fortiore igne perficitur, tanto facilius empyreuma contrahit, iacturam odorarum partium patitur et, ut in quolibet alio succo inspissato contingit, tanto profundiori colore tingitur; alia, si sordes coctione ascendentes demuntur, alia si absque despumatione densatur. Adde admisceri aliquando aliena ponderis augendi causa a lucro intentis hominibus, de qua fraude iam conquestus fuit DIOSCORIDES, Gummi vel Acaciae miscelam redarguens; prout in Belgio aliquando succum Liquiritiae addi nouimus (FERBER *n. Beyträge zur Mineralgesch. Vol. I. p. 366.*).

§. 8. Fallacia ista tria nomina vñtatissima sunt, quae aloëtici succi speciebus in officinis imponuntur, dum alter e. c. illam Aloën hepaticam vocat, quam alter succotrinam, et conuersa vice. Quis iisdem primus vñs fuerit, non dixerim. HIPPOCRATES et THEOPHRASTVS ERESIVS Aloës plane non mentionem faciunt. Crebro eam memorat CELSVS (*Ed. KRAVS. p. 84.*), qui omnibus catharticiis eam misceri iubet, sed absque epitheto vel diuersitatis illius notis in medium productis. DIOSCORIDES (*Mat. med. Lib. 3. cap. 25.*) tamen duas significat, alteram eamque primariam, quae, ut interpretis, SARACENI, verbis utar, ad iecinoris imaginem vergit, subflauam, friabilem, quae facile humescit; alteram viliorem nigram, fractuque contumacem, arenosam. Subtiliores fuerunt Arabes, qui a patria sibi nota, h. e. variis Asiae regionibus, species effinxerunt, quos inter AVICENNA (*Oper. Ed. VENETI Lib. 2. tract. 2. cap. 66. p. 105. b.*) succotrinam tanquam meliorem nominat. Nullibi vero apud hosce nomina cetera vulgaria occurrunt, ut adeo subscribere nequeam asserto meritissimi SPIELMANNI (*Mat. med. p. 626.*), haecce ab Arabibus inuenta esse. Nec notae tam faciles sunt, quibus singulae inter se distinguantur, ac vulgo putatur. Si tamen illae a cl. LEWIS (*Experim. History of the Mat. med. Ed. 2. p. 31.*), virò alias in eiusmodi rebus haud mediocris grauitatis, traditae valeant: Aloï succotrinae, quae censetur optima, competit color flauido-ruber, in purpureum inclinans, sed postquam in puluerem redacta fuerit, aureus, superficies splendens, friabilitas, sapor cum amaritie aromaticus,

aromaticus, odor myrrham quodammodo referens, et nonnihil pellucida est; hepatica autem distinguitur colore profundiori, superficie non tam splendente, compage firmiori nec ita transparente, amaritie magis nauseosa et odore fortiori magisque ingrato; caballinam, quae vilior reliquis declaratur, nec in omnibus officinis obuia, demum dignosci innuit foetore ingratisimo: addunt alii, quod cum specimine iam praesenti conuenit, colorem longe profundiolem fere nigrum, et manifesta sordium et arenarum indicia, unde et compactior et ponderosior apparet. Id omnino verum est, venales istas tres species saepe differre valdopere, si cum aliis eiusdem nominis ex alia officina petitis comparentur, tam colore, quam aliis momentis indicatis, ita vt vix ambigam ternarium istud discrimen pro inani et inutili declarare, et eodem iure plures diuersitates et nomina agnosci debere sustineam.

§. 9. Facilis esset explicatu et expedita res, si remanentes in ternario numero subscribere possemus JO. BAVHINI supra (versus finem §. 6.) quoad partem significatae narrationi, quod latex ex foliis elicitus sua sponte in tria liquida diuersae indolis, strata totidem formantia, sese disiungeret, quorum superius concha haustum et exsiccatum Aloën succotrinam constitueret, alterum in medio consistens Al. hepaticam, infimum, siue foecem, Al. caballinam. Ast fontem huius narrationis nobis non indicat egregius vir, unde fides valde ambigua in re, quae nonnisi ab autoptis testibus decerni potest.

§. 10. Nisi igitur tota diuersitas succorum aloëticorum in praeparationis diuerso modo, qualiscunque fuerit, consistat, vel statuendum sit, eandem Aloën pro diuerso solo et climate vel aetate vel collectionis succi tempore diuersum succum suppeditare: nihil superest, quam vt discrimen Aloës a stirpibus specie vel varietate discrepantibus repetamus. Ita quidem in plerisque libris, qui medicamenta censent, factum esseprehenditur. Et miror tantum consensum et conspirationem de vulgari succorum istorum origine obtinere, ita vt Aloë hepatica Aloë vulgari c. B. Al. succotrina

Aloi americanae ananae floribus suauerubentibus **PLVCK.** Al. caballina Aloi guineensi caballinae **COMMEL.** adscribatur. Sollertius inquirens, qua auctoritate hoc assertum nitatur, non aliam inueni, quam coniecturam **CASPARI COMMELINI** (*Praelud. bot. p. 46.*), qui quoad Aloës hepaticae originem vulgari opinione acquiescit, esse ex Aloë vulgari **C. B.** quoad ceteras autem nonnisi conuenientia saporis et odoris recentium succorum stirpium modo dictarum cum succis aloëticis siccis venalibus diuersi istius nominis trahitur. Quam lubricum hocce iudicium sit, non opus est multis demonstrare. Interim recte fatetur, etiam ex aliis Aloës speciebus succum commodum colligi posse; quod quidem nuperioribus obseruationibus supra expositis praecipue confirmatur. Ipse quoque vidi in succis a me ex variis amaris Aloës speciebus collectis colorem variare valdopere, mox esse viridi-luteum, mox rubellum, mox brunum.

§. II. Characteres Aloi Succotrinae a **cl. LEWIS** adiudicati perapte applicari possunt ad succum inspissatum, quem praeterita aestate ipse ex Aloë elongata elicui. Experimentum hoc autem repeti potest quocunque anni tempore, nam hieme eandem fere vbertatem succi ac aestate foliis inesse deprehendi. Scilicet vegeta aliquot folia ad basin praecidi, eadem in vitro amplo cylindrico filis suspendi, vnde mox profluxit succus ad marginem plagae viridi luteus, fere citrinus, quem colorem chartae tenuem in modum illitus adhuc seruat, qui autem succus in vitro crassiores in molem collectus rubicundus euasit instar vitri antimonii hyacinthini, et similiter omnino pellucidus. Odorem eundem grauem sed non ingratum sparsit siccatus, qui melioris notae succis aloëticis venalibus inest, et eadem illi infedit amarities. Aqua adeo frigida, modica quantitate affusa, facile solui se passus est, non alio adiumento, quam miti agitatione vitri, et aqua inde induit colorem grate obscure rubrum, in luteum nonnihil inclinantem, pellucidum, odorem croceum; exigua eius pars resinosae naturae in fundo vasis solutionem respuit. Solutio haec magis diluta, quae colore grate carneo tingebatur, statione protractiori et accessu aëris, prout prior, profundiores colorem obtinuit. Alcohol vini eius tantillum modo soluit, spiritus
vini

vini tenuis, autem plurimum, sed colore badio. Calore fortiori sese inflauit et flammae admota tota in cineres tenellos fugaces redacta est.

Conuenit hic quoque succus probe cum eo, quem FABIVS COLVMNA (*Ecphrasis stirp. p. 41.*) ex foliis ipse elicuit, et solaris caloris ope densauit, vti et cum Jamaicensi praestantioris notae, eadem arte parato. An haec Aloë illa lucida, cuius passim apud auctores mentio fit? Attamen et Capensis Aloë, licet coctione densata, in minoribus frustis et ad marginem pellucida, et vitrum luteo brunum referens, a cl. SPARRMAN (*Resa p. 145.*) describitur, qui idem coniicit, Aloës species venales profundioris coloris, vt saturate viridis, et opacas grumosasque, pressione foliorum fuisse progenitas. Non tamen meam stirpem eandem esse, quae in Africa colligendo succo inferuit, vel inde patet, quod folia plana (excepta antica parte) nec concava sint, vnde neutiquam vulneratis foliis pro excipiendo succo substerni possunt.

§. 12. Si denominationes desumendae a loco, vnde hodie in Europaeas regiones succus iste transfertur, praeter Aloën Succotrinam et Barbadensem (quo nomine quoque Al. hepatica venit), quae hodie praecipue clarent, omnino Capensis notatu dignissima est, vtpote quum in promontorio bonae spei hodie vberima eius praeparatio fiat in lucrum Societatis orientalis mercatoriae Belgicae, cuius quidem historiam celeberrimi ciues mei THVNBERG (*Physiogr. Sällskapet's Handl. P. I. p. 112. sqq.*) et SPARRMAN (*Resa til Goda Hopps-Udden p. 742. sqq.*) egregie illustrarunt. Quod ad Succotrinam attinet, olim quidem ex insula Zocotra, Zoccotera vel Socotora, oceani orientalis translata fuit, hodie vero haec ipsa vox aloëtico succo per excellentiam datur, prout alia varia medicamina praestantioris efficaciae primam originem in nomine gerunt, etiamsi alius patriae sunt e. c. Opium Thebaicum, Terebinthina Veneta, Crocus orientalis, Senna Alexandrina aliaque. Etenim a cl. BROWNE (*nat. Hist. of Jam. p. 198.*) edocemur, praestantissimam Aloën in Jamaica emergentem Succotrinam nuncupari.

§. 13. Et haec quidem pro scopo et occasione praesenti. Peregrinatorum doctorum et veri cupidorum est, adiacere quae adhuc defunt in historia naturali medicamento, iam antiquitus celebrati et multis nominibus iure depraedicandi, non raro autem praeter vulgarem opinionem vel lenta iniuria noxii. Ab hisce expectamus, quo omnes defectus vna complectar, ut stirpes singularum regionum accuratissime definiant, ex quibus Aloë venalis transmittatur, nec verbis modo sed iconibus novis adiectis vel aliis, si iam praestent accuratae, citatis; porro praeparationis modos exactissime describant, attendentes primum ad colorem succi liquidi ex sauciato folio exundantis, dein inquirentes, vtrum pro usu succum sponte ex vna plaga stillare sinant, siue ex foliis in minutas partes sectis, an potius expressione eliciant; porro vtrum mox post prouentum succi eum densent, an contra stationem illi quietam prius concedant, ut crassioribus partibus prius subsidentibus fluidius liquidum separare queant, vel et antea colent; dispiciant insuper, vtrum calore solari modo illum siccent an coctione cum vel sine aqua, et si hac utantur, an spumam prius separent, nec ne, an coctio mitiori igne an vehementiori fiat, an vbiuis in eundem spissitudinis gradum eam continuent, antequam vasis transferendis indantur; demum explorent varios Aloën adulterandi modos, additamenta peregrina tempusque miscelae. Hisce qui intenti sint significant simul mutationes singulas, quas pro diuersis istis momentis Aloë quoad colorem, odorem, saporem, soliditatem, puritatem, solubilitatem, subeant. Tum et certiora euadent ipsa experimenta in aegris capienda, quae nisi superstruantur medicamentis integerrimae notae, iisdemque, quae inter plures artis peritos usu veniunt, et magistrum et aegrum fallunt.

Scribendi ansam vero suppeditarunt dignissimi tres Candidati, quorum industriae et doctrinae vel hoc instar praemii dandum arbitror, quod sollemnia honorum in medicina summorum inauguralia, more maiorum scriptione singulari a Decano et Brabeuta celebrentur. Laudabiles suae vitae Ipsi concinnarunt narrationes, quas eodem ordine hic sisto, quo quilibet in cathedra suum specimen propugnauit.

I.

VITA

PHILIPPI HENRICI CASPARI

SCHAVENBURGENSIS.

*A*nno salutis 1764. me in lucem edidit mater SOPHIA ANTONIA e SANDERIA gente, patre IUSTO FRIDERICO, qui illustrissimo Comiti Schauenburgo - Lippiaco a camerae consiliis est. Illam ante triennium inevitabile mortalium fatum mihi eripuit; hunc vero adhuc sanum et incolumem Deus optimus maximus mihi servavit. Tenerioris aetatis annos inter penates degi, quum curaret venerandus parens, ut a praeceptoribus domesticis prima scientiarum rudimenta caperem. Annum agens decimum sextum, Gymnasium, quod Holzwindae est, petii, ibique per triennium in doctrinas, quas vocant propaedeuticas, linguarumque cognitionem incubui. Academiam tandem adii Georgiam Augustam, quum medicam scientiam elegissem, a. 1782, et ab ill. GATTERER, qui tunc academiae fascis gerebat, civium academicorum numero adscriptus sum. Ibi lucusque virorum eruditorum, quibus musarum sedes ornatur, praelectionibus interfui, nimirum illustrium et celeberrimorum MURRAY, WRISBERG, RICHTER, GMELIN, BLUMENBACH. Ita singulis, quibus continetur medica scientia, partibus, Osteologiae, Sarcologiae, Physiologiae, Pathologiae, doctrinae de Materia medica, Pharmaciae, Chemiae, Therapiae et Chirurgiae operam navavi, quantum pro virium mearum tenuitate fieri potuit.

Hic ipse praenobilissimus vir d. 9. Nouembris de Scilla publice disputavit, praemissa lectione breui de potus uberius in curando Hydropis necessitate.

II.

VITA

JOANNIS IVSTI WEDEMEIER

BÜCKEBYRGENSIS.

Natus sum Stadthagae in Comitatu Buckeburgensi a. huius seculi 1756. die 13. m. Martii. Patrem veneror JOANNEM LVDOLPHVM WEDEMEIER et matrem MARIAM ELEONORAM e gente BOHNENSTAEDT. Pater tinctior et Ecclesiae Stadthagensis Diaconus fuit, sed a. 1770. m. Decembri morbo colico correptus animam, proh dolor! efflauit. Attamen mater dilectissima, postquam praeceptis religionis rite imbutus eram, curauit. ut Halae reliquas Classium inferiorum scientias nec non Matthesin, Logicam, Metaphysicam, Physicam experimentalem suadentibus cognatis meis discerem. Postea apud CAROLVM SPRENGER affinem meum, Pharmacopolam, Ieverae per quinque annos arte pharmaceutica eruditus sum, et annis disciplinae finitis per quatuor adhuc annos rebus pharmaceuticis operam dedi. Tandem vero decreui in scientiam medicam incumbere, hinc anno 1780. mense Octobri hanc in Academiam profectus, a beato MEISTER fasces Academiae tunc gerente ciuium academiarum numero adscriptus sum. Heic ill. Eques et Consiliarius Regis aulicus MURRAY Botanicam, Materiam medicam, Pharmaciam et Praecepta vermium corporis humani ac venenorum mihi tradidit. Ill. WRISBERG Demonstrationes anatomicas et Dissectiones cadauerum, Physiologiam, Medicinam forensem, Artem obstetriciam me docuit, et parturientibus in Gynaedochio me auxilio esse concessit. Apud ill. Consiliarium aul. RICHTER, Semioticam, Therapiam generalem et specialem, Chirurgiam medicam, manualement, praecepta diaetetica audiui, et semestri modo praeterlapso sub eo nosocomium frequentavi. Scholas porro celeb. BLUMENBACH de Historia naturali, Pathologia generali et speciali, Osteologia, de notitia librorum medici argumenti, nec non anatome comparata, adii.

Argumentum disputandi dedit viro doctissimo d. 13. Decembris specimen de scarlatina Gottingae nuper epidemica; cum quo commentatiuncula, paullo ante praelecta, de optimo parotides in scarlatina obuias tractandi modo nexum habet.

III.
VITA
ERNESTI CHRISTIANI NOLTE

SETTMERSHUSA - HANNOVERANI.

*N*atus sum Settmershusae, pago circiter horarum duarum distantia ab urbe nostra sito, d. 28 Jun. anni 1763. Patrem veneror J. C. NOLTE, verbi diuini ministrum. Vsque ad annum meum 14. fruitus sum praeceptorum domesticorum instructione. Tum scholas publicas in hacce urbe florentes, adii, atque in illa praeceptores habui cel. Professore EYRING, cl. Rectorem SVCHFORT, et cl. Magistrum RAFF, in scientiis scholasticis. Quatuor annis sub horum auspiciis ibi consumtis, ab illis discessi, et die 16. mens. Octobris anni 1780. Rectore tum Magnifico ill. MEISTER in numerum ciuium academicorum receptus sum. Interfui tum praelectionibus ill. MURRAY, Equitis ordinis Regii de Wasa et Consilarii aulae regiae, in Botanica, Materiam medicam, Pharmaciam, atque Collegio disputatorio-examinatorio pariter nomen dedi. Physiologiam, Anatomiam, Artem obstetriciam theoreticam et practicam tradidit mihi ill. WRISBERG, nunc temporis Prorector noster Magnificus. Ill. RICHTER Consiliarium aulicum et Archiatrum praeceptorem habui in Semiotica, Chirurgia, Therapia speciali, morbis oculorum, illo etiam duce nosocomium adii. Cel. Prof. GMELIN auditorem me habuit in Chemia experimentalis et Mineralogia. Historiam naturalem, Osteologiam et Pathologiam tradidit mihi cel. BLUMENBACH. Praelectiones pathologicas cel. STROMEYER similiter frequentavi. Insuper me docuit Physicam experimentalem cel. LICHTENBERG.

In dissertatione die 28. Decembris propugnata egit praenobilissimus vir *de febre puerperarum*. Sed pro more praecurrit brevis disquisitio, et quidem *de mammarum in puerperis iusta habenda sollicitia*.

Iunctim complector laudes praestantissimorum horum virorum iuvenum, tanto maiori iure, quum vna doctrinae suae medicae censuram coram ordine nostro subierint. Et in hacce quidem laetati sumus
egre-

egregiis eruditionis et ingenii documentis, vnde suffragiis omnium fauentissimis ornati cathedram conscenderunt, ex qua, rebus ad vocem legum et decori, et liberalis ingenii sensum, gestis, reduces singulos mox in numerum doctorum artis salutaris cooptavi. In qua noua vitae scena, vt nec bene merendi de re publica occasio nec vires deficiant, nec spe praemiis laborum meritis potiundi excidant egregii hi viri, et reliqui per decanatum iam deponendum honoribus medicis a me condecorati, sincerus opto et ita voueo, vt voti compos propriae fortunae incrementum me fecisse existimatus sim. P.P. in academia Georgia Augusta, sub sigillo ordinis medici, die 31. Decembris a. 1785.

(L. S.)